

Powšitkowne WOZJEWJENJA

swjatkowničku, 23. meje 2021

Wusyłanje Božich mšow

Serbskorěčnej Božej mši móža wěriwi swjatkowničku, 23. meje, znowa jako livestream w interneće sčěhować. Dupołnja we 8.30 hodž. přenjese so jedna z Kulowskeje, dalša w 9 hodž. z Chróšćanskeje cyrkwyje. Swjatkownu pónđzelu, 24. meje, přenjese so serbske kemše we 8.30 hodž. z Kulowa. Linki na nje su na internetowej stronje www.posol.de kaž tež na wosadnymaj stronomaj podate.

Boža mša na putniskej łuce

Na Božu mšu su wěriwi swjatkownu pónđzelu, 24. meje, w 9 hodž. do Róžanta na putnisku łuku přeprašeni. Škitne naprawy maja so wobkedźbować.

Modlenje w Róžeńće

Na modlenje w serbskej a němskej rěči před wustajenym Najswjećišim sobotu, 29. meje, we 18.00 hodž. su wěriwi do Róžeńčanskeje swjatnicy přeprašeni. Škitne naprawy maja so wobkedźbować.

Kemše na Bože čěło

Na swjedženju Božeho čěła, štwórtk, 3. junija, budu w Róžeńće kemše w serbskej rěči. Wone zahaja so w 19 hodž.

Ekumeniski fachowy dzeń

Ewangelske a katolske kubłanje dorosćenych Sakskeje přeprašujetej na digitalny fachowy forum pod heslom „Měl so ramik wuměnic? Kubłanje dorosćenych a korona“. Tutón wotměje so štwórtk, 27. meje, wot 14.00 do 19.00 hodž. digitalnje přez platformu Zoom. W srjedžišću zarjadowanja steji prašenje, kak je so kubłanje dorosćenych w času koronoweje pandemije wuwilo a što w přichodze na nje čaka. Referenća budu mjez druhim Roland Löffler, direktor Sakskeje krajneje centrale za politiske kubłanje, a Kathleen Roth z Ewangelskeho kubłanja dorosćenych (EEB). Wona poda přikłady digitalneho džěła z dorosćenymi. W džělarničkach wobsteji móžnosć k mjezsobnej wuměnje. Zhromadny dzeń zakónča z ekumeniskim nyšporom we 18.30 hodž., na kotryž je kóždy přeprašeny. Štóž chce so na fachowym forumje wobdźělič, měl so hač do wutory, 25. meje, z mejlku na info@eeb-sachsen.de přizjewić. Po tym dóstanje wotpowědny link k wobdźělenju. Dalše informacije nańdu zajimcy pod www.posol.de.